

Amy loyal est vne forte deffence qui la treuve il treuve vng moult grāt tresoz
Après tu dois regarder q̄ tes loyaux amis que tu appelles a ton conseil soiēt
sages. Car il est escript. Requiers tousiours le conseil du sage pour ceste meif
me rayson tu dois appeller les anciens q̄ asses ont veu et asses esprouue. Car
il escript en Job. Es anciens est la sapience et en moult de temps est prudēce.
Et tules dit. Les grans besoignes ne se font pas p force ne p legiere de corps
mais par bon conseil et par auctozite de psonnes et p sciēces lesquelles troyz
choses nafeyblissent pas en viellese mais efforcent ⁊ croissent tous les iours
Après en ton conseil tu dois garder ceste regle car aulcunement tu dois ap
peller ou faire euocquer pou de gens des plus especiaulx et loyaux. Car sala
mon dit. Efforce toy dauoir plusieurs amis mais entre mil eslis en vng seul a
ton conseil. Quant tu auras heu ton conseil a pou de gens si le peuls reue
ler a plusieurs se besoing est. Toutesuoyes les troyz condiciōs dessusdictes si
doüent estre es conseilliers tousiours gardees. Et ne te souffisse pas vng con
seil tāt seulemēt mais en fay plusieurs. Car salomon dit. Sauuemēt est la ou
plusieurs conseilliers sont.

Apres ce que ie tay monstre a qui tu dois prandre conseil ie te vueil
mōstrer lequel cōseil tu dois faire ⁊ escheuer. Premieremēt tu dois
fouyr ⁊ escheuer le conseil des fols. Car salomon dit. A fol ne prēdre
conseil car il ne scaura conseillier fors ce quil ayme et quil luy plaīt. Et il est
escript. La propziete du fol est car il croīt legierement tous maulx daultruy et
tous biēs de luy. Après tu dois fuyr le conseil des faintis losengiers qui seffor
cent plus de loer ta personne et a toy plaire que de dire verite. Et tules dit. En
terre toutes les pestilēces qui en amitie sōt la plus grāt est losengerie ⁊ pour
ce tu dois plus doubter et fuyr les douces paroles de celuy qui verite te dira
que les rudes paroles dung bon conseillier. Car salomon dit. Homs qui dit
paroles de losengerie est vng larron pour prendre les innocēs. Et dit aussi aul
trepant. Homs qui parle a son amy paroles doubles et losengieres le met de
uant les piēs du roy pour le prandre. Pource dit tules. Garde nendlines point
tes oreilles es losengeurs ⁊ ne recoys point en ton conseil paroles de losenge
rie. Après sur tous aultres tu dois fuyr le conseil de tes anciens ennemis qui
sont reconciliez. Car il est escript. Nul ne retourne seurement en la grace de
son ancien ennemy. Et esope dit. Ne vous fies nullement en ceulx a qui vous
aues heu guerre et inimicice anciennement ⁊ ne leur reueles point voz secretes